



處士栗里致交游

明許潮撰

新都尊生館校

末扮陶淵明深衣幅巾上唱引

菊花新歸來三徑久荒涼喜有黃花晚節香秋
日曉蒼蒼雅稱東籬遊賞踏沙行夜玉裝車秋

金橫帶浮雲富貴非吾愛一丘一壑小生涯
看來多少身心快五柳門庭三槐世派功名
已付烟霞外孤松自撫盡盤桓北窓夢繞羲

皇代念吾姓陶名潛字淵明又字元亮乃晉
陶侃五代孫也不幸值晉祚告終宋業漸盛
潛耻事二姓不復出仕前者故人薦為彭澤
令歲終會郡遣督郵至縣吏請束帶見之吾
歎曰我豈為五斗米折腰向鄉里小兒即日
解印綬賦歸去來詞以還田里只見三徑雖
荒松菊猶存僮僕歡迎稚子候門携幼入室
有酒盈樽吾當即其所居之位樂其日用之
常安命樂天又奚有所外慕哉喜妻翟氏頗

能安貧樂隱怡怡猷猷未嘗有愁戚之色今
當重九天氣東籬菊花開盛未免喚他同翫
一番則個翟氏娘子何在旦上唱

前腔良人歸棹返鄉庄止有琴書一空囊恬退

意揚揚似鴻鵠雙雙霄壤搗練子風細細日荒

荒風日晴和菊正芳林圃新釀未熟瀟然何
以度重陽君子萬福末娘子今日重陽菊花
開盛我兩個同至東籬翫賞一番是好旦官
人這般天朗氣清菊花可愛柰家釀未熟雀

陶處士
安得酒乎。正是竹葉於人既無分。菊花從此
不須開。末雖無旨酒。且將素琴撫弄。權當盃
酒。同行最好。此間便是東籬了。只見金英燦
燦。玉露瀼瀼。采菊東籬下。悠然見南山。菊英
映人袂。山翠浮空間。安得綠蟻傾。留取朱顏
還。相對無絃琴。忘言心閑閑。唱

南綿搭絮。霜清露冷。籬徑菊花妍。我這裡繞徑
巡籬。摘取金英。插帽簷。此間有泉。聊酌一盃。酌
泉。且當盃傳。自覺得地偏心遠。胸次悠然。一

西風開向叢中濃與淺。巨唱

前腔。南山新霽。當戶起晴煙。機杼聊停。相與徘徊
叢菊邊。此間有松。可以撫琴。撫孤松。權當鳴
絃。待得山中酒熟。重此歡旋。且向北窓。一枕羲
皇高偃蹇。淨扮差人上。燕知社日辭巢去。菊爲
重陽冒雨開。筆底了債詩債訖。伏頭掛得酒
錢來。小人乃江州太守。王衙裡差人是也。俺
老爹以今日重九。差小人送酒與陶處士過
節。來到山下。遠遠望見陶處士。與娘子在東

籬下相對着菊花數叢空坐笑語想是缺酒
正是渴時一盞如甘露醉後添盃不若無未
免徑送至前王太守令小人送酒在此末喜
科正當饑渴可吸謝你老爹淨下末呼旦科
娘子可便煖這酒來與子盡今日之興旦煖
酒在此唱

前腔黃花滿把酒盃乾豈料提壺遠送香醪出
偶然是良緣花酒雙全顏顏賴酒襯衰筭倩花
一任西風把天外浮雲自舒捲末酬旦斟唱

前腔忘懷得失畎畝已多年太守何聞遠慕竟
村誤作賢望南阡喜獲豐年秋多堪釀不費青
錢與子盤桓一任長安日近遠丑扮差人上野
外探人事空菴寡輪鞅白日掩荆扉朱履自
來往今有鎮東將軍擅道濟始安郡守顏延
之相約同來栗里探訪陶處士命小人通報
丑通報科末娘子可且迴避着洒掃草堂煮
茗向客生扮顏延之上唱

南高陽臺伐木親賢緣蘿訪士那更秋暮天色

十里青松相參着萬株紅葉。潺潺流水鳴溪石。繞竹隈幾迴曲折。望烟村一簇間雲數椽屋結。

外扮擅道濟上唱

前腔鎖蒼煙。巒嶂層疊。歎草廬高卧羲皇。恠來

詩思侵人骨。門對着寒流。滿山如雪。揀今日掃

石林陰坐聆清說。生將軍大人拜揖外太守先

生有禮此間便是栗里了末迎科啜茶科外

山寂寂兮無人。又蒼蒼兮多木。羣龍兮滿朝。

君何為兮空谷。生敢是文寡和兮思深道難

知兮行獨。末悅石上兮流泉與松間兮茅屋

外僕聞賢者處世。天下無道則隱。有道則見。

今子生文明之世。何自苦若此。末潜也何敢

望賢志不及也。生有登山而采王者有入海

而采珠者。士固各有志焉。淵明甘退。亦志有

所不屑也。末適有王太守饋酒飲猶未盡二

公少留當共盡其餘。外生食云則食便當盡

興末舉酒科唱

前腔廊廟才疎。煙霞性癖。運移晉祚難復。先世

承恩忘羞忍爲干祿空谷干旄白駒漫勞賁也。
俺只有床上書共籬邊黃菊願使君暫開懷抱。
我強支癯骨肉外唱

前腔板築出作甘霖終調鼎鴈豈能卒終茅屋。
况雲路脩長何當久淹驥足。生唱

前腔人物知君是個天下士不比那尋常碌碌。
對君如崑山片玉令人頓忘塵俗。童子報送酒

已盡科眾起科末留科饋酒雖盡家釀可筭
再坐少許童子報科釀酒尚濁無袋可笮末

偏頭科便將我頭上葛巾漉來漉畢還我童

子作取巾漉來科末奉酒科唱

前腔相屈駐節茅廬停驂白屋愧我全無旨蓄。
語未驚人那更行非駭俗榮辱百年粗糲吾分
也深謝您肉食者青目市城遠盤無蕪味喜有
此濁醪堪漉。外唱

前腔如玉價值連城輝當照乘你却埋光韞櫝。
願彈振冠衣休迷戀青氈故物。生唱

前腔自足桑樞甕牖非苦病怎肯效他窮途之

哭。况伯夷本因商餓。張良非爲漢出。末我醉欲

眠君且去。唱。

前腔相促。日在桑榆。禽歸櫟檟。這飲酌已充吾腸。腹眼覺朦朧。欠伸來思尋衾褥。頻祝今朝我醉君且去。三徑邊明朝再屈。緊趁逐花黃天朗。雨晴未卜。外淵明可謂真率無僞也。與淵明交。

若飲醇醪不覺自醉。唱。

前腔質樸坦坦幽人振振君子。和氣藹然可掬。不見黃生鄙吝萌芽滋復。生唱。

前腔含蓄。前言往行充滿腹。探錦囊傾出珠玉。此以後相過百遍。結盟林麓。末唱。

尾聲相逢無柰斜陽促。我醉君回休見觸。外生。只怕王事奔忙難繼續。外一盃一盃復一盃。生

三人相對菊花開。末我醉欲眠君且去。明朝有意抱琴來。並下末又上。少無適俗韻。性本愛丘山。開荒南野際。守拙歸田園。方宅十餘畝。草屋八九間。榆柳蔭後園。桃李羅堂前。狗吠深巷中。鷄鳴桑樹顛。戶庭無塵雜。虛室有

餘閒久在樊籠裡，復得還自然。夜來宿酒方醒，起來黃葉盈階，白雲當戶。童子可打掃堂前地，放開籠裡鷄。內云：如何這早晚便吟詩。
[末笑科]方纔分付罷，又道我吟詩兀坐草堂。看有甚人來到。丑扮軍吏上：諸公厭梁肉處，士飯不足，將軍最好文，推食饋茅屋。小人奉檀將軍令，送肉百斤，米十石，望徵君笑納。
[末]麾出科。我飯糗茹草久矣，安用此膏粱之味哉。伸謝將軍，返壁勿誅。淨扮吏上：一宦三十

年，坐客寒無氈。太守差知己，特來饋酒錢。小吏乃顏太守差送來青錢二萬文，與徵君沽酒。望照入幸甚。末小童可收下，悉送酒家。照數取酒，拜覆你相公，已領惠矣。丑扮使人上小人乃江州王弘太守衙中候使的，是也。俺老爹久慕處士陶淵明之賢，不獲一見。今當九月上旬，聞淵明與龐通之、周續之、劉遺民、惠遠禪師相友善，轉托龐參軍置酒於栗里半道。惠遠方丈中，令小人假作龐參將家人。

陶處士
請淵明會飲以求一見小人曾讀論語閩陽
貨欲見孔子孔子不見俺老爹非陽貨比也
陶公必不見拒此間便是栗里陶家庄也不
免徑投請書告徵君龐參軍處有請末請於
何所丑置酒在廬山寺惠遠禪房中末得其
所矣有何人與席丑有周續之劉遺民末得
其人矣丑背語科我觀他意看丑向末科小
人聞說還有王太守哩末段干木踰垣而避
之泄柳申詳閉門不納是皆已甚上七可若

來我便與伊油油然以終日丑既然見議請
就命駕末你先去回覆我隨即就來丑正是
酒逢知己飲詩向會人吟丑末並下淨扮惠
遠上上方月曉聞僧語下界林疎見客行野
鶴巢邊松最老毒龍潛處水偏清小僧惠遠
的是也自幼超悟脫去塵凡不親人事已三
十年矣近有周續之劉遺民陶淵明相與往
來清談小禪送客不過虎溪過虎溪輒鳴吼
前者送陶淵明陸靜脩携手笑談不覺過溪

三人鼓掌大笑一番時人目爲虎溪三笑今
王太守置酒方丈欲請淵明一見未免令小
行者酒掃則個遠遠望見諸公來了生扮龐
叅軍副末扮周續之外扮劉遺民貼生扮王
太守並上生秋草黃花覆古阡副末隔林遙
見起人烟外山僧獨在山中老貼生惟有寒
松見少年末上丑報科淵明公到了衆迎科
貼生弘久慕登龍未獲識面今幸挹清光若
撥雲霧以睹青天依芙蓉而泛綠水末世固

有白首如新傾蓋若舊者潛村夫也何當承
太守青睞衆淵明此來太守緇衣之慕遂矣
可奉勸淵明先生一盃貼生舉酒奉淵明科

唱

南二郎神全套幸相逢松菊主風光正暮秋對
著您千頃清陂絕塵垢羨幽光隱德信是羲皇
叟把碧草瑤花侑酒籌况黛色南山入牖合誰
堪偶真個是笑子皮漫駕扁舟副末唱
前腔久投簪組相伴煙霞故友嘆人世難逢開

陶處士
笑口看菊綻東籬。秫熟西疇。蟹嫩鷄肥釀可筍。
况兼有文章不朽。合名山斗。真個是笑嚴光漫。
掛羊裘。外唱

集賢賓碧雲黃葉。山寺清幽。那更白鷺蒼鷗萬。
壑松風意外吼。嘆人生若寄蜉蝣。看秋光轉眸。
不多久。菊殘蜂瘦。合重九。又歎牛山上。那人兒
存否。生唱

前腔想華亭白鶴。東門黃狗。都做了滿地閒愁。
恁似你倦鳥閒雲得自由。興來時邁壑經丘。把
平鞋緊兜。任清狂傍花隨柳。合重九。又歎龍山
上。那人兒何有。淨唱

黃鶯兒殘日下簾鉤。晚風颭。萬木秋。空林一派
寒泉漱。高情正綢。雄談未休。傳籌共把茱萸嗅。
合展雙眸。秋空皓蕩相對若虛舟。末唱

前腔賦性拙如鳩。有何長。動列侯。分甘雲臥青
山。眇閒情自偷。無心外求。踈狂難辱冠裳偶。合
自追求。不堪世用。非敢效巢由。衆唱

貓兒墜。遙瞻落鴈影。入蓼花洲。晚照芙蓉映碧

隆慶士
流。白沙翠竹路悠悠。合共追遊。同攜手相送柴門。月滿林丘。

前腔。夕煙生紫。猿嘯暮山幽。古砌畔。瀟瀟風葉走。長繩難繫日西流。合共追遊。同攜手相送柴門。月滿林丘。

尾聲。德星聚現良非偶。正是月白黃花時候。留取人間相傳作話頭。淨送科內作虎鳴科。淨呀前爲淵明送過虎溪破戒。遂號作虎溪三笑。今又破戒。可謂虎溪叢笑矣。

詩 賢俊相逢本有期 山林草木也相知
日 不因幽客辭龍窟 安得禪師過虎溪

在元帥龍山會僚友

明許潮撰

新都尊生館校

丑扮聽事官上白一抺晴煙萬縷霞蝶團蜂

隊舞交加秋空雨霽山如沐偏稱登臨吟眺

賒下官是桓都督府中聽事官是也俺大元

帥今日置酒龍山召僚佐登高不免傳示諸

叅佐各具戎服先期早待向內叫科諸叅佐

官早上貼生扮王珣上唱

金瓏璫重陽風雨惡。登臨無奈天何。徒倚杖望
卷阿。今朝青嶂出。蓐收洗濯雲蘿。登絕巘。把天
摩。下官姓王名珣。見爲桓府主簿。軍中號爲短
主簿是也。今大將軍召遊龍山。先在此等候
則個。未扮却超上唱。

前腔黃花盈把握。秋山勝事方多。嗟暮景若頽
波。長繩掛天柱。莫繫西下羲和。戎務隙。且遊歌
下官姓却名超。見爲桓府參軍。軍中號爲髯
參軍是也。今元帥召遊龍山。先在此等候。則

個。外扮孫盛上唱。

夜行船雨霽風恬秋色曉。菊砌外尚有餘嬌。赤
葉飄飄白雲縹渺。眼底添清妙。下官姓孫名盛。
見爲桓府司馬。今元帥召遊龍山。只得先在
此等候。淨扮孟嘉上唱。

前腔潦倒詼諧人莫曉。凡鳥內那識人豪。顛倒
英雄睥睨天地。渾俗且隨笑傲。下官姓孟名嘉。
桓府參謀是也。吾見桓公專震主之威。擅傾
國之柄。人皆畏敬待如泰山。嘉獨藐之如冰。

山一般。今召登龍山，未免同衆偕往。則個衆見科。生扮桓溫簪纓貂裘，侍從開喝上唱。

西地錦龍鬪五湖雲，擾嶽降英物。風標驕胡百萬歸，清嘯且休兵。按甲逍遙，晉鼎傾危孰敢安。青年拜將古今難，黃金臺上從容坐。百萬貔貅仰面看，念吾乃附馬都尉都督大元帥。是也。前日重九，歆與僚佐登龍山遊宴，爲風雨所阻。今秋光新霽，重申前約，聽事官諸僚佐齊了。不曾五稟科。俱在外聽候。衆進見到恭

科。生白：諸君旣集，即便偕往。此間便是龍山了。登山科。生唱。

南排歌。丹桂餘香，黃花正妍。媧皇鍊出瑤天嶙峋，古石吐清煙。峭壁千尋掛玉泉，合憑熊式。按馬鞞，翱翔直上翠峯巔。紅塵隔碧落，連今朝端擬白雲眠。外唱。

北寄生草。這山春也有三眠柳。夏豈無十丈蓮芙蓉，秋水清光泛。梅花白雪寒姿燦，珍葩瑤草連霄漢。這龍山不是泰華山，願將軍戎馬休輕

散生謹受教唱

南排歌石角鈎衣。藤枝罽肩。深林冷。欲裝綿蕩。胸雲氣起層嵐。俯視乾坤若蟻旋。合憑熊式。按馬韉。翱翔直上翠峯巔。紅塵隔碧落連。今朝端擬白雲眠。貼生唱

北寄生草這山也。堪鑿梯仙洞。也堪耕種玉田。憇松不用蒲葵扇。茹芝可當瑠璃飯。製荷不減雲裘煖。這龍山。不是不周山。願將軍休把蚩尤死生王祿戒我勿翫敵。敬當佩服。

排歌不斷長風輕袍袂。蹇恍如羽化飛仙。遙觀郡邑若青錢。半露蒼煙屋數椽。合憑熊式。按馬韉。翱翔直上翠峯巔。紅塵隔碧落連。今朝端擬白雲眠。末唱

北寄生草這山盤三楚之青。又落三江之影。尚延撐炎州半壁。青天扇擺長空。萬疊祥云現。噴紫崑。飛瀑瓊珠濺。這龍山。不比岱宗山。願將軍且莫言封禪。生封岱山。禪梁父。是司馬相如諛

武帝之詞。今海內兵戈未息。瘡痍未起。焉敢

效補如死後之諛惶愧惶愧唱

南排歌衰柳殘枝。時咽晚蟬。澗聲暗瀉冰絃。遙
瞻落日下平川。煙暝孤村。酒幔懸。合憑熊式。按
馬鞚。翱翔直上翠峯巔。紅塵隔碧落連。今朝端
擬白雲眠。淨唱

北寄生草這山瞻漢闕愁腸結。望秦宮淚眼漫
洛陽禾黍西風亂。銅鈿王氣朝雲散。天津橋上
鶻聲喚。這龍山不是首陽山。願將軍休把夷齊

無生怒科如參軍之言疑温有異志麼淨聞君

子愛人以德嘉見將軍素有大志晉德雖衰
天命未改願將軍永終臣節無使老夫有西
山之悲生笑科云甚哉孟子之慙也丑扮道
士接科生問科此是絕頂玄宮也丑荅正是
眼縱千嵐外風生一笑中犬疑時吠客鶴熟
不驚鐘道士筵席設在何處丑設在凌虛閣
上生道上你可前導丑導引上科生念云丹
岩翠磴上無休萬仞青山百尺樓淨諸天合
在藤羅外昏黑應湏到上頭生呀大風起兮

云飛揚矣。諸君宜慎巾帽。衆譚避風科。吹落
淨帽露出禿髮。衆譚科。左右拾帽獻生。生命
藏帽科。生登閣嘆云。一覽衆山小。狂吟萬壑
開。突兀東南障。山河何壯哉。北望流涕科。使
神州陸沉者。王夷甫諸人不得辭其責矣。淨
進言科。公親密椒房。權專栢府。正當戮力中
原。使晉鼎反正。豈可效楚囚徒泣而已哉。生
崔左右取酒科。獻孟加云。適孟君戒我莫學
楚囚。今孟君之狀。殆相類之。我每各舉酒一

盃。嘲他一番是好。唱

南駐雲飛。木落驚秋。萬簇烟林赤葉稠。戎務侵
眉皺。詩思羈身瘦。唵。登眺暫舒眸。赤縣神州一
個金甌玷。缺誰之咎。指淨科。作笑唱。且共對斜
陽笑楚囚。貼生唱。

前腔。南鴈悲秋。幕府深沉冷客裘。戎馬今方構。
花鳥誰能富。唵。聯轡且追遊。山淨雲收。徐步瑤
岑。瀟颯風褰袖。指淨科。作勸唱。且共對斜曛。勸
楚囚。外唱。

前腔陰壑先秋。一派寒泉繞竹流。目掬清波漱。
免惹紅塵垢。啖禾黍。滿西疇。黃雀嬌柔。細菊班
班。遠壁開如綉。指淨嘆唱。且共對斜曛。嘆楚囚。
淨諸公以楚囚笑我。看我勸我。嘆我。我殊不
解其意。待我告便來酬答。淨告入廁科。生令
取帽還淨席上科。淨還坐見帽笑科。原來是
風落吾帽。露吾短髮。種種有類楚囚。故諸公
以囚嘲之。今我也醉和諸公一盃唱。

前腔鶴髮經秋。樗散堪乘蓮葉舟。生大乙真人

蓮葉舟脫巾露頂寒。颼颼君殆以仙人自居。

淨皂帽非吾偶。生君薄管寧也。淨白接非吾

首。生君不屑於山簡也。淨折角雨中求。昔郭林

宗雨餘折巾。今吾風吹落帽。可以同爲美觀

也。岸幘英雄入眼。今奚有。今之人好脩邊幅

能岸幘不冠。開豁襟懷。如劉文叔延攬英賢

者。几曾見哉。莫盛飾冠裳似沐猴。生令卿自

責反自譽如此。足見敏捷。再進一盃。淨吾不

勝舉白矣。生令樂工奏樂侑酒。詩云。絲不如

竹、竹不如肉、此言何如、淨蓋漸近自然、爾生可謂一言以蔽之矣、吾前者伐蜀得一美女、善歌舞、髮立委地、柰公主不見容、一向携在軍中、先已令人隨載於此、喚出來歌舞一曲、以奉諸公、少解醒困、淨元帥置公主於家、携美人於軍、纔說髮立委地、以嘉論之、正不是長法也、衆譚科、正且扮美人上、作泣科唱

唐多令、國破與家亡、紅啼杜宇傷、彩雲裁就舞衣裳、鏤月削成歌板、情脉脉、意茫茫、念妾乃亾

蜀主李君之女、為桓公老奴、故作愛妾、柰公主妬悍不容、因此携隨軍政、今請僚佐遊山、載奴席間侑酒、正是既在矮簷下、怎敢不低頭、近前相公萬福、生你可歌舞一曲以侑酒、旦背作羞科、生作催科、旦舞唱

南楚江秋空、塔咏蟋蟀、蒼山泣鷓鴣、沉沉院宇秋光暮、神魂飄泊、夢模糊、步倩人扶、銀屏背倚、嬌無措、空生花樣軀、空餘雪樣膚、誰能貯我黃金屋、勸酒科、旦唱

孝白歌。殺八簋。酒百壺。相對秋山日已晡。行樂
莫躊躇。明朝有此無。陰晴難睹。生白再唱一闕。

且唱

楚江秋。婷婷鴛鴦鳳雛。天天桃杏株。凡花野鳥原
非度。溼溼紅淚濕羅襦。聽徹銅壺。柔腸萬截愁
難續。白壁已見瑜。綠珠羞自呼。誰能再把胡笳
贖。勸酒科。且唱。

孝白歌。青青柳。短短蒲。今日芳菲明日枯。造化
不乘除。兵家有勝輸。原無定王。

清江引。乾德鏡兒半塵土。枉把蛾眉擄。愁暗錦
江雲。淚洒巫山雨。怨東風。落花花怎語。淨觀這

女子詞中賸有悲怨。元帥將焉用之。况婦人
在軍。軍威不揚。不若去之。庶免女戎之患。生
正是正是日已落矣。筵簾散罷。

詩
堪嗟日月鳥雙飛

對景携朋步翠微

百遍登臨渾是夢

日
斜暉不必淚沾衣

恒元師龍山會僚友終

漢相如畫錦歸西蜀

明

許潮

撰

新都

尊生館

校

正旦上唱

破齊陣木落鴛幃驚冷鏡開鸞影傷孤巫峽雲
迷長安日遠寶馬知遊何處萬里遙空鴻音渺
九曲澄江魚信疎何時再駕車菩薩蠻西風處

處催刀尺天涯遊子無消息梧葉漸陰稀驚
寒未寄衣悵望予之美盈盈隔秋水秋思厭

眉頭銀蟾冷畫樓念妾乃臨邛卓王孫之女
自托於成都文士司馬相如爲丈夫因詞賦
見聞於天子應詔長安許久不見信息今當
八月天氣金風散暑玉露生涼白雲與征鴈
齊飛黃葉共寒蟬並墜月光照我賞月之侶
何方桂花襲人惜花之客安在好傷感人也
蜀錦何處貼旦上唱科

前腔綺戶頻開翡翠繡簾反掛珊瑚瑞鴨煙消
人琴塵暗總是東君別故鷓鴣聲裡斜陽暮
慙

蟬堦前淡月孤凄清倍却初賤婢司馬長卿房
中小妾是也俺家長自與文君姐姐到成都
開酒肆賣詞賦度日近得皇后用黃金千鎰
與俺家長買長門賦一篇因此致富用金百
兩買妾房中與文君姐姐作伴今家長上京
應詔日久這般清秋天氣姐姐甚是憂悶連
我心上也有幾分動情近前姐姐萬福旦蜀
錦今秋光又過半矣才郎不見信息好放不
下也貼姐姐容光比前越清減了且寬待着

旦念紫簫聲杳鳳離凰。翹首雲山路渺茫。把鏡自驚羞不語。玉容默默減容光。唱

南二犯江兒水。容光消瘦。對菱花容光消瘦。纖腰弱似柳。正穿窻月冷。落葉風颭。把相思攢掇。得陡和悶控金鈎。含情倚畫樓。只見丹葉林立。紅蓼汀洲。憶雕鞍何處遊。覆金甌。把窮通暗闔。窮通暗闔。拈得箇錦衣歸晝。想是他步蟾宮。月正秋。貼姐姐。這些時百般踈懶。不是舊時了。旦念自從夫去掩粧樓。黃葉依肩未着眸。錦瑟

無絃金雀困。可憐消盡舊風流。唱

前腔風流非舊。掩香閨沉沉若病酒。正賓鴻窓外。蟋蟀床頭。把凄凉相屑奏。當日笑牽牛。今朝學楚囚。只怕得志青驄。縱意紅樓。白頭吟。能記否。到晚來寒燈一篝。寒燈一篝。照得我伶仃孤陋。百般家放不下心上儔。淨扮駙官上路上行

人口是碑。朝中通報我先知。蜘蛛懸在燈檠上。正是門闌喜慶時。報報報。今有司馬大人。建節錦歸。郡守以下。擁篲前驅。而今官員人

等、都迎接去了、特來稟覆夫人知道。貼入報
旦喜科蜀錦、可少留駟官酒飯去。貼留淨淨
辭科接官緊急、不能等了、稟覆夫人、多謝多
謝淨下旦白蜀錦、今才郎果然飛黃騰踏、上
不負平生志氣、取香來、我且拜謝天地一番、

貼焚香科旦唱

南黃鶯兒平步忽登仙。脫儒衫。着紫襪。文章獻
納黃金殿。官居近街。名馳錦旋。果然不負題橋
頂。合謝蒼天鸞騰鳳起。方信道好姻緣。貼旦唱

前腔聲譽動西川。看花紅。滿路牽。秋空萬丈虹
霓現。冠裳擠連。車馬鬧喧。果然不負朱衣薦。合
謝蒼天鸞騰鳳起。方信道好姻緣。

丑扮家童上空中忽沛連朝雨。海上遙驚一
夜雷。向道是龍剛不信。果然頭角插天回。我
乃司馬相公。隨身的小廝是也。俺相公上京
得了顯宦。而今持節還鄉。令我先來報喜。來
到前廳。只見錦姐在此。未免通報夫人得知。
丑貼相見科貼喜報旦科旦快喚進來丑見

旦旦問科。你相公消息真否。若何。丑。若問相
公消息。聽我細說一篇。自從携書觀上國。挾
策到長安。龍顏大喜。舊已知名。鳳閣弘開。新
加覆試。殿上衮衣。明日月。聖天子臨軒。硯中
旗影動。龍蛇子。大夫運筆。獨對丹墀。而裒然
舉首。同承明問。而卓爾超羣。賦奏上林。氣焰
空虛。天祿辭傳。宮禁才人。壓倒文林。賜待詔
於金馬門前。屢顧問於栢梁臺上。長安花一
朝看遍。新豐酒十里聞香。應萬國之詞章。晝
漏每趨青瑣闥。覽百官之奏議。晴窓檢點。白
雲編延訪。移更每轍金蓮。炬送求言前席。頻
承宮錦袍加。既寵異於公卿之列。又光耀於
父母之邦。使啣天語。以過成都。顯清朝之得
士。假皇威而臨蜀郡。昭聖主以崇文。二千石
以下。擁篲前驅。數百年以前。閱籍未見。休說
朝中寵異。且看道上風光。水程則盡。舫堂堂。
朱簾綉柱。圍黃鵠仙舟。汎汎錦纜。牙樯起白
鷗。兩岸上聲樂。誼闋愁甚。麼魚龍寂寞。秋江

冷四壁間湘紋遮蔽怕甚麼鴻鴈不來風雨
多陸行則後擁前呼真個是車馬多如簇東
迎西送恁的般聲價重如山三簷傘罩定明
晃晃的碧帔幢五花驄搭覆光燦燦的流蘇
袂宿歇時氍毹遍地經過處彩結聯街迎接
的連騎接踵人人希取顏容觀觀者塞巷夾
途個個想望丰采館穀的都是珍穀異品鋪
設的無非累褥重裯春浪蛟龍騰碧海秋空
鴈鴉在青霄正是世上萬般皆下品思量惟
有讀書高門外人馬這等喧鬧想是相公到

卜生上

〔生查子〕蘇秦未遇時妻嫂懷羞赧黃金印佩歸
誰不開青眼〔浣溪沙〕桂影扶疎鴈跡遙槐陰迢
迢馬蹄驕無邊秋色興偏饒花誥特頒勞御
筆錦袍新製破宮刀駢駢駟馬過題橋左右
傳示官員人等俱免進見待明日叅謁〔未傳
令內作齊應末〕報關門科〔旦貼上唱科〕

〔前腔〕秋光照畫屏青鳥銜雲東報道瀛洲仙會

合當今晚。旦拜賀科。恭喜才郎一輩。神天與奴

家爭氣。生此皆仗祖宗積德。與娘子福分小

生何能。貼拜科。恭喜家主高顯。連婢子也有

仰望生。也是你有緣分。外淨扮卓王孫夫妻

上唱

窄地錦襠門闌喜氣鬱葱葱。孔雀屏開花正穠

今朝女婿竟乘龍。方信孩兒自有童。末扮臨印

王縣令上唱引

吳妓婆錦衣人馬。如雲布擁。爭賀俊傑新承恩

龍故人相會笑聲闐。管教飲盡黃金甕。末見外

科。恭喜令婿顯耀。我前日之言。可見不虛。外

淨仗托縣主大人。今果榮顯。只恐不認我們。

末長卿不是淺薄丈夫。既有賀禮。與我同往。

來到門前。聽事人役。可通報道。臨印令同你

司馬相公。外父母都來拜賀。丑進報科。生王

大人是知己故人。快請進來。其餘不許放入。

丑請末入科。外淨入。丑叱科。老村夫。這豈是

你家竈門前。如何胡撞。淨羞殺了老賊。我說

你有眼無珠我那女兒和我一樣眼孔我眼
 孔裡過有千個萬個不曾錯愛了一個今他
 不相認有何面目歸見江東快回罷將我打
 扮起招個風流婿還賽過他哩外婆子且住
 王大人進去必有示下生末相見科生與君
 別後意如何頻倚西窓看鴈過生白屋自伶
 知己少末青雲莫厭故人多請尊嫂夫人拜
 賀旦見科昔年貧賤今榮貴今朝喜得雲開
 霽末馬前喝道狀元來這回好個風流婿請

生科末外面有令岳父岳母來賀末敢擅入
生他是富豪之家我是窮儒不敢扳認旦妾
 是窮儒之妻不敢冒認豪富之女末今錦衣
 歸故正是滿堂宴笑不可使有向隅之泣生旦
 相認卓門決不敢依命末傳云於所厚者薄
 而於所薄者厚末之有也今日親外父外母
 尚不容進見况我朋友以義合者乎從此亦
 告絕交末揚衣辭出科生旦挽留科故人見
 諭如此請外父外母進見罷外淨進見科恭

賀賢婿高顯。使我門楣生光。生旦拜見科今日女兒女婿。不玷辱了。末閑話休題了。將盃

酒過來。末把酒科唱

南山桃紅。龍章鳳誥。把賢俊封褒。燕雀齊傾倒。鴻鵠遠翔。想前日受評駁。受譏嘲。今日婚姻既奇。功名又高。兩般兒並皆絕妙。也與朋友增彩耀。合把玉堂才貌。配金屋阿嬌。窈窕風流千古

豪外淨唱

前腔海門一躍。把頭角變却。向道是龍剛不信。

今奪錦標。郎束文犀帶。女冠金鳳翹。謝你光耀我的鄉。光耀我的家。你這香名非小也。顯得箇生男不若生女好。合把玉堂才貌。配金屋阿嬌。窈窕風流千古豪。生唱

前腔當初不料。蘿蔦附松喬。歸家四壁皆傾倒。窮餓怎撩。今日個占金鰲。今日個起蟄蛟。那些個光耀你鄉。那些個光耀你家。那些個聲名好也。只是嫦娥錯愛了。合把玉堂才貌。配金屋阿嬌。窈窕風流千古豪。旦拜外淨科唱

前腔孩兒不肖。錯配鳳鸞交。惹得雙親惱。把清
貧自熬。今日個占金鰲。今日個拴玉縈。說甚麼
增光耀。說甚麼顯祖考。把前羞都盡掃也。顯他
讀書人無價寶。合把玉堂才貌。配金屋阿嬌。窈
窕風流千古豪。末賀酒已畢。我等且回。使長卿
得以休息。正是明朝更有新條在。擾亂春風
卒未休。末外淨下。旦蜀錦。今日月白風清。喜才
郎錦歸。且排筵月下。慶賞一番。莫虛良宵好
景。貼酒席已備。月下。了。生舉酒盃作唱科。

南八聲甘州。帶解三醒。錦衣歸省。正晴曛冠蓋。
風颭旂旌。門闌佳慶。花簇與彩行相映。丹香已
折嫦娥桂。紅線還牽織女星。鸞哀息。鳳怨平。瑤
琴寶瑟動歡聲。天街淨。雲漢明。羅幃炯炯。長華
燈。旦唱

前腔題橋志竟成。不枉了臨邛席上。那日慇勤。
嬋娟如鏡。喜今宵人月雙清。前日個藍田日煖。
生雙玉。今夜個碧漢奎光聚。五星陰晴晝。長短
更。幾番清耿。暗吞聲。新風度。舊俊英。並頭連理

漢相如
有餘馨。生唱

解三醒。從今後。青銅不怨孤鸞影。從今後。錦帳
無驚鉄馬聲。從今後。秋波喜動雙鸞展。從今後
粉臉春回百媚生。從今後。舌尖再調嬌鶯巧。從
今後。掌上重翻飛燕輕。同歡慶。任天荒地老。不
易斯盟。旦唱

前腔。丟罷了。傷春閉戶辜芳徑。丟罷了。扶病登
樓眺遠程。丟罷了。默傳心事焚金鼎。丟罷了。暗
計歸期畫翠屏。丟罷了。巫雲楚雨飄飄夢。丟罷
了。碧海青天夜夜情。想思症。這兢兢怯怯。漸覺
安寧。

尾聲。古槐陰。疎桐影。歡娛不覺夜三更。把銀蠟
還留明夕秉。生旦携手。念云

詩

錦衣歸故笑聲高 燕雀安知鴻鵠翔
金屋阿嬌金馬婿 風流窈窕古今豪

漢相如畫錦歸西蜀

衛將軍元宵會僚友

明 許潮 撰

新都 尊生館 校

北粉蝶兒

淨扮堂候官上唱引春滿皇州。珣玕

玕。玉壺銀漏。燦天街。燈綵盈眸。把錦乾坤。花宇

宙。片時間粧就。畫閣瓊樓。捲珠簾。露一天星斗。

滿庭芳燈火輝煌。笙歌繚繞。上林鶯語嬌柔。

一輪玉鏡飛上綵雲頭。奎壁連珠。錯落射金

鰲。鱗甲光浮。香霧裏瓊宮玉宇。遙映摘星樓。

幸逢全盛日，太和宇宙富有春秋，看四靈儀舞，百姓歌謳，攢攢簇簇，花叢錦陣，一齊來五夜淹留，風光好，燈輝月皎，春色滿皇州，下官非別，乃是漢朝司馬大將軍，衛衙堂候，便是今夜是元宵節，吾大將軍從祀太乙歸第，冷安排筵席，請董狀元，汲長孺，霍嫫姚，觀燈行樂，不免喚出各色整備一番，院子何在？丑上玉漏銀壺且莫催，鐵關金鎖徹明開，誰家見月能閒坐，何處聞燈不看來，堂候官有何分

付淨院子，你纔從何處來？丑我纔往長街市上看燈來，淨你將街市元宵景致，說些我聽。丑若說元宵景致，名目書難盡，形容畫不成畧，陳三五件，官長細聽聞，只見半空中，皓月團團，六街裡紅燈燁燁，那月似馮夷推上爛銀盤，這燈如仙女織成新錦帳，火樹金花望之不斷，星橋鐵鎖看也無窮，紫焰門牕十萬家，錦雲衢衢一百里，這壁廂，厮琅琅玉轡嘶來，那壁廂，吃喇喇香車碾過，各坊廂賽社火粧

粉出遙遙夸夸的，三教九流滿城市賭本事，
教演出躡躡蹶蹶的，七古八怪則覺的熱烘
烘暖氣蒸人，輕拂拂暗塵隨馬，笙歌不斷一
任玉漏頻移，簫鼓喧闐且喜金吾不禁，你看
琥珀盃中，綵亭下滿斟着醪醕，沉香火底燈
筋內，廣設着華筵，真箇是燈明月皎元宵夜，
雨順風調大有年，淨大將軍令吾輩排筵席，
你可幫助我呵唱。

北中呂粉蝶兒東閣宏開，正春宵風清月白，排
列着俏倜倜，十二金釵相間着嵌牙簫，鏤玉管，
銀箏錦瑟，八寶亭臺相映玲瓏珠珀。

醉東風珊瑚燈日樣紅，水晶燈雪樣白，有鰲山
鵬海巧剪精裁，真個是堪驚堪駭，一盞盞鏤月
裁雲，泥珠爛玉駭神驚怪。

紅綉鞋鬧閃閃，春風世界明幌幌，夜月樓臺火
竿百尺萬花開，千枝梅飛滿地，十樣錦布成堆，
都把這元宵賽。

石榴花我只見八仙燈，捧出壽星來，又見那裏

律光軍
王燈神女會陽臺。嫦娥燈冉冉下雲堦。瓊花燈。
一盞雪質霞胎。白鶴燈。跨着的吹簫侶。青牛燈。
騎着煉丹客。倚燈筋。細看他喬鐫刻。一盞盞都
費了。一段好襟懷。

上小樓錦重重。前街後街笑啞啞。東宅西宅。人
爲燈忙。物因燈費。樽爲燈開。燈影篩。月影篩。兩
明相代。這良宵。人生難再。

前腔碧牕前。月半歪。畫堂中。春似海。恨不得掛
庄蟾光。封着雞口。催起花開。燈滿懷。月滿懷。雙
清堪愛。只恐這夜將闌。掃得人興餘無奈。

耍孩兒東風嫋嫋花呈色。五侯家。玳瑁筵開。顛
巍巍。貂蟬滿座。光燦燦。珠履盈堦。酒傾鳳髓浮
龍腦。殺煮猩唇燒豹胎。奇花異果多珍菜。論山
殺。搜邏盡嵩衡華岱。數水味。擺列及河漢江淮。
奏樂的聽着七煞。六律兒。休戾乖。八音兒。須

克諧。官商角徵無相害。新聲嬌細黃鸝語。古樂
優柔彩鳳喈。莫愧簫韶派。務要使嘉賓意暢。君
子顏開。歌童聽着六煞。鶯喉兒。須潤澤。燕舌兒

要剗劃。字真韻協知遲快。一聲遏住纖云過。三
唱還同白雪皚。句句堪驚愛。休得要半聲兒鴉
舌。滿口裏胡柴舞妓聽着。五煞翠袖兒慢慢擗。
弓鞋兒款款擗。腰肢兒要似垂楊擺。絳綃飛處
香盈座。繡扇回時媚滿懷。掌上輕盈態。莫學那
搖頭轉目。墮髻欹釵。打院本的聽着。四煞扮故
事。須潔白。演古人。要相材。塗朱抹紫多神怪。粧
一個孫龐鬪智分成敗。扮一個楚漢爭鋒顯盛
衰。十八國鬪寶臨潼賽。演一個信陵君。奪符救

趙。扮一個淮陰侯。拜將登臺。扮戲的聽着。三煞
腔調兒休繆差。關目兒要正楷。悲歡離合須明
白。悲時使客愁眉蹙。樂處令人笑口開。插打譚
休圖快。務要扮演出古人情狀。莫虛負才子編
排。諸耍技的聽着。二煞險竿兒躲閃乖。軟索兒
走動諧。賣驢的馬上須輕快。打筋斗的平地能
顛倒。搬桶子空中有去來。拋丸嚙劍多名色。更
有演禽獸的絕技。弄蛇鼠的喬才。尾煞干家枝
藝都編擺。一段風花細剪裁。元宵景致無遺外。

專等羣仙洞府來。筵席已齊備。請大將軍早上。

末扮上

破陣子。紫塞膚功少奏。丹宸厚遇難酬。長纓遠繫單于頸。畫戟高梟。儉狃頭談笑覓封侯。

鷓鴣天。渭水流傳一脉長。莫邪潭底遇干將。竇顏山北功勛峻。瀚海波揚姓字香。周吉甫。漢張良。看來都是丈夫行。甲兵已洗天河水。笑挽餘波滌酒觴。念吾乃大漢司馬大將軍。衛青是也。天子以吾武功迥絕。進爵司馬大

將軍。吾靜思之。青以微末。一旦功蓋天下。位極人臣。雖聖主拔揚之。殊思實賢人推轂之。清議自古道。不信於朋友。則不獲於上矣。况禮賢下士。武將之高致。今日是元宵令節。喜匈奴遠遁。幕南無事。正是國家閒暇。當親賢人。君子宴笑聞教之時也。前日發書請董大夫。汲長儒。霍嫖姚。慶賞元宵。先令堂候官辦理。未知齊備不曾。堂候官何在。淨上一聲呼喚。傳堂上。兩脚奔趨到座前。堂候官在此末。

令你辦的筵席齊備不魯。淨已都備了。末你
數一遍我聽。淨唱。

水仙花百壺清酒釀春光。八簋珍肴噴異香。銷
金幃褥流蘇帳。錦屏風四面張。布氍毹五彩輝
煌。一班兒歌喉細。兩行兒舞袖長。鬪雜技的個
個爭強。戲文有三千套。院本足五百椿。任王侯
取次觀詳。末你且喚出歌童。歌一曲我聽。扮二
歌上跪科。末起來。你兩個各歌一曲。唱。

黃鶯兒四海樂昇平。罷刀兵仗俊英。威宣沙漠
天聲震。漫漫的卿雲。熒熒的將星。祥光都拱元
宵令。合賞花燈。天清地寧。萬里賴長城。又簫鼓
動春晴。稱侯門宴笑頻。鴻儒滿座衣冠盛。有酒
既清。有肴又馨。蟾光當席如懸鏡。合前末你喚
舞妓來舞看。旦扮二舞妓上跪。末令舞科。唱。

字字金上苑裏梅花白。長堤邊柳色青。粧點春
光。萬盞燈。萬盞燈。照樽前酒滿傾。元宵令。燈明
月亦明。又這家裏簫歌沸。那家裏笑語盈。燈影
搖紅風滿櫺。吹樽前醉面醒。元宵令。風清人亦

清末這諸聲樂我觀歌舞二件大槩都是淫樂

嫚戲非雅樂也董大夫是當代醇儒汲長孺

是邦之司直霍將軍雖好蹴鞠然沉果有謀

俱非縱耳目之慾者可俱罷之別歌鹿鳴之

詩并善說平話者說一篇以侑酒所謂文字

飲是也淨理會得了遠遠望見三位相公來

了生扮董貼生扮汲外扮霍同上生唱

晋天樂下帷無意登廊廟甘側陋從吾所好三

策天人數言諛道謝聖恩舉首稱哀貼生黃河

比笑面折廷爭要與逢干同調外且雅歌笑傲

暫緩帶罷貔貅萬竈相見科生文章耿耿美醇

儒貼生直譽洋洋滿帝都外甲第長安稱衛

霍末令人寫入四賢圖舉酒向生科

小排歌呦呦鹿鳴食野之萍我有嘉賓維儒之

醇元宵令風清月明宴樂嘉賓至教聞舉酒向

貼生科呦呦鹿鳴食野之苓我有嘉賓邦之

直臣元宵令殺馨酒清宴樂嘉賓有令名舉酒

向外科呦呦鹿鳴食野之芸我有嘉賓天子

干城。元宵令。春和景明。宴樂嘉賓。笑語頻。衆舉
酒向末科。叨叨鹿鳴。食野之蒿。我有賢東。文
武是做。花燈照。醉酒飽殺。二美四難。共此宵。末
愧無佳樂。侑酒。有一個說平話的。說得幾個
故事。欲喚來說。未知允否。衆喚來喚來。淨上
小子落落魄魄。一生最好講鬧。笑話信口編
排。比方相時捏作。優孟曾與我脫靴。張儀曾
與我洗脚。荆文通見我把口閉着。東方朔見
我將頭縮却。雖是窮嘴餓舌頭。却驚動了許

多臺閣。說平話的在此。末你說一篇來聽。淨
有有有。蓋聞地下聚賢士。天邊現德星。何以
謂之賢士。文事武備。忠君孝親。今將文武忠
孝。敷陳筵席。奉勸公卿。何謂文。天經地緯。人
之倫。何謂武。戡危靖亂。文之輔。何謂忠。寸心
許國。有始終。何謂孝。一念慕親。忘老少。末打
科。要個文中。有武。淨孔子相禮。兵萊夷。此便
是文中。有武。末打科。要個武。中有文。淨太公
釋甲進丹書。此便是武。中有文。末打科。要個

忠中有孝，淨篤。裴周公稱達孝，此便是忠中
有孝。末打科要個孝中有忠，淨張仲孝友佐
中興，此便是孝中有忠。大抵文武本一道，孝
忠無二心。願將四個字化作上元燈，一盞照
武弁，一盞照文林，一盞照父子，一盞照君臣。
餘光照百姓，四海盡光明。平話已畢，衆相公
請了。生這平話到有些規諷，是好是好。末舉

酒科唱

南錦堂月良夜迢迢，蟾光皎皎。金吾禁弛喧鬧，

萬燭輝煌。把一天星斗動搖，花世界窈出鰲山。
錦乾坤粧成蓬島。合齊頌禱，願年年燈月交輝。

照人歡笑。生唱

前腔寒峭。春透羅袍，笙歌鼎沸。千金難買今宵，
看珠翠成行，都是綺羅年少。水晶壺滾滾清輝，
琉璃珠般般巧妙。合則生唱

前腔光耀。星彩飄颻，香塵蔽月。歌聲笑語騰囂，
鬪步競矜能，攢攢簇簇相嘲。香筋下綽約釵裙，
綉簾前喧闐窈窕。合外唱

前腔絕妙。春在梅條。晴光破凍。新紅正醉仙桃。
簾捲東風。花灯盞盞高挑。歌牕任月影縱橫。舞
席隨斗杓顛倒。合末唱

醉翁子傾倒。這雪月風花懷抱。况景媚人嬌。共
成雙妙。清調聽轉鶯喉。過住行雲在柳梢。合音
清嬈看鴈住頻那。象板輕敲。生唱

前腔籠罩。香霧飄瀟。滿城郭。看畫棟珠簾。都是
絳燈光繞。這便是夜泛靈槎。羨甚麼揚州空跨

鶴合貼生唱

僥僥令金猊焚麝腦。玉碗泛鸞膏。但見燭影搖
宮彩。歌聲沸海濤。徹九霄。外唱

前腔和風吹錦襖。皓月鑑羅袍。但見白紛紛。月
彩散燈影。紅灼灼。燈光拱月巢。共此宵。

尾聲燈光月色盈穹昊。人氣香煙滿市朝。揀飲
莫言天曉。衆云多謝了末云多慢了

宴罷侯門夜已闌
燈光月色滿長安

明朝擬奏昇平頌
共洗中山紫兔端

元微之重訪蒲東寺

明許潮撰

新都尊生館校

第一折

〔淨扮僧上〕白宿雨初收草正濃，羣鴉飛散下
 堂鐘。長廊無事僧歸院，盡日門前獨看松。小
 僧蒲東普救寺住持法聰的是也。舊與元微
 之相識，今聞赴京，不免去郵亭迎接他一番。
 〔丑扮道士上〕白方士非軒駐碧霞，酒香風冷

月初斜、不知誰唱啼春曲、落盡溪頭白玉花
小道蒲東玄都觀、郭道士便是曾與白樂天
有舊、今聞徵赴京、不免到郵亭迎接一番僧
道相見科、淨白、清淨玄門夜獨寒、丑虛無禪
榻被光單、淨你拳我手俱無措、丑作佛成仙
兩下難、丑禪師何往、淨吾接元微之、仙官何
之、丑吾接白樂天、淨既然如此、吾二人同往、
淨向內喚科、小行者、好生謹守方丈、張尼姑
來尋我、你說夜間罷、內應知道了、丑向內問

科小徒弟、你好生看洞房、將法堂門閉着、莫
要對房師父過來尋你、我回來不饒、內應你
莫多慮、淨笑、好貞節的徒弟、行去去、此間
便是十里長亭、遠遠望見頭搭、敢是二公來
了、我等且迴避、待他入郵亭出見、生扮元微
之、先入驛、末扮驛吏上云、白老爹也到、生出
迎、科云、小弟先已遣人約兄同赴京師、不期
于此相遇、真奇逢也、外小弟聞兄發行、兼程
求附驥尾、今得覩清光、萬幸萬幸、生小弟想

兄曾寄小詩詩曰休遣玲瓏唱我辭我辭多
是寄君詩明朝又向江頭別月落潮平是去
時得之不曾外有之矣小弟思兄曾亦有詩
詩云花時同醉破春愁醉折花枝當酒籌忽
憶故人天際去計程今日到梁州亦未知得
否生已得之矣左右報外有僧道見生白呀
想是故人請進來淨丑見科生云一別江南
已十霜外禪林仙徑兩茫茫淨今朝重觀
大月丑莫惜清樽此夜長生寺觀二家相迎



原件短缺

P21以后缺

